



Universitätsbibliothek Paderborn

**Vademecum Sive Praxis Opera Quotidiana Aliaque ritè
peragendi, & per ea salutem& perfectionem propriam, ac
proximi, instituto Societatis Jesu conformem assequendi**

Limpens, Ferdinand

Coloniæ Agrippinæ, 1744

§.XI. Examen Vespertinum.

[urn:nbn:de:hbz:466:1-54750](#)

minus, humilians autem peccatores, superbos usque ad terram. Ps. 146. Psalmum nonum leges cum consolatione, dum pateris persecutiones.

§. XI.

EXAMEN VESPERTINUM.

Postquam sub quadrante Canonico sequentis diei meditationem cum Capitulo aliquo ex Thom. Kemp. legisti. Examen vespertinum vel fieri potest, ut pomerid. V. pag. 14. vel pro varietate sequentibus duobus modis institui. Primo per ruminacionem quatuor novissimorum. Secundo per applicationem quinque sensuum.

PRAXIS PRIMA.

Domine IESU Christe Redemptor, Jux & sumnum Bonum meum! quia non infernus confitebitur tibi (fructuose scilicet, & pœnitentia damnatorum de commissis sceleribus in æternum magis magisque cruciabit eos) neque mors [si eò differatur pœnitentia] laudabitis te; non expectabunt, qui descendunt in lacum [purgatorium] veritatem tuam aut misericordiam, donec justitiae tuæ, quam extra statum merendi positi placare amplius non possunt, satisfecerint. Vivens vivens ipse confitebitur tibi, Cant. Ezech. sicut & ego hodie. Hinc vivus & lanus, imprimis tibi infinitas ago gratias pro om-

omnibus beneficiis die hoc, & totâ anteactâ
vitâ, mihi præstitis, nec quieti me dabo ante
agnitos & expiatos, per gratiam tuam, defectus
& peccata mea, & quia dicis: *Memorare novis-
fima tua, & in aeternum non peccabis;* hinc mor-
tis cumprimis memor omnia torius diei opera &
actiones perscrutabor. Passio & amor proprius
sæpè excæcant me, & nævos pro virtute, malum
pro bono, obtrudunt; mōts autem sive transitus
de tempore ad æternitatem vivaciter menti im-
pressus defecatum de rebus omnibus mihi sub-
ministrabit judicium, & quid coram te, & in
oculis tuis reipsâ peccaminosum sic, ostendet.
*Hic oculis in Calvariam, quam in Oratorio ha-
bes, intentis, percurre diurnas omnes actiones &
occupationes tuas, & examina, in quo defeceris.*
Hoc peracto, dic:

Nec severè judicabor, nec condemnabor tam
in particulari, quam universali judicio, si me
ipsum tanquam rigidus Judex plectam. Hinc
tremendi tui, ô Domine, judicii memor sacro
eius horrore percussus ratione hujus, illius defec-
tus, peccati commissi mihi non indulgebo, sed
id amarè plangam. Infernus etiam ipse cum
purgatorio non tantùm motiva attritionis, sed
& perfectissimæ contritionis mihi subministra-
bit. Doleo ergo primò, quod Justitiam tuam
infinitam offenderim, quæ lethalem noxam
æternis inferni cruciatibus, & levem in purga-
torio etiam in amicis suis tam horrendis sensùs
& damni pœnis castigat. *Dimitte me, ut plan-
gam paululum dolorem meum* (quem habeo ob-
has

has pœnas promeritas) antequam vadam, & non revertar ad terram tenebrosam, & opertam mortis caligine, terram miseria & tenebrarum, ubi umbra mortis (non ipsa mors; quia damnati non moriuntur, sed mortis umbram, horrem, cruciatum semper sustinent) & nullus ordo, sed sempiternus horror inhabitat. Job. 10. Non autem tantum detestor peccata mea propter te DEUM Justitiae infinitæ offensum; sed & 2dō, quia offendit te ut mihi Bonum, tum propter alia innumera mihi collata beneficia, tum, quia comminando tam acerbas temporales provenialibus, æternas pro mortalibus peccatis pœnas, infinitam tuam, erga me hominésque omnes, ostendis bonitatem: ut hoc scilicet medio eos à malo absterreas, & ad pœnitentiam, dum adhuc tempus est, agendum exstimes; cùm enim, hoc non obstante efficacissimo sanè motivo, jam adhuc homines adeò in offensam tuâ proclives sint. Profectò his nostris temporibus quasi Sodoma fuissimus, & quasi Gomorrha similes essemus, nisi Dominus exercituum reliquisset nobis semen veritatis hujus. Isai. 1. Et si Majores nostri nil de tam tremendis pœnis scivissent, atque à puerò nobis salutaris hic metus non fuisset incusus. 3tiò demum non tantum doleo propter te offensum ut mihi Bonum; sed vel maximè, quia unicum infinitum Bonum tu es: si enim hoc non esses, nec lethalis offensa tuâ infinitè in tantum mala esset, nec æternis posset cruciatibus plecti, nec ob levem culpam tu DEUS infinitè misericors amicos tuos horrendum

dum

dum ad eō in purgatorio cruciares; &, quod maximum est, ad satisfactionem condignam iustitiae tuæ præstandam, & infernum, ad quem totum humanum genus condemnatum erat, evadendum, opus non fuisset, ut ipse DEI Filius incarnatus pro nobis satisfaceret. Ergo converte me, Domine, gratiâ tuâ præveniente, & convertar; quia tu Dominus DEUS meus, hoc est sumnum in se Bonum, postquam convertisti me (gratiâ illâ, cui me cooperaturum prævidisti) egi pœnitentiam; & postquam ostendisti mihi (motiva At- & Contritionis perfectæ) percussi femur meum, confusus sum, & erubui Jerem. 31. Ad magis autem confortandum justum de peccatis meis dolorem, & ea in futurum non committendi propositum, oculis intentis, usque dum claudantur hi corpori oculi mei, semper observabitur cœlestis patria, & ultimus finis meus: ubi & innocentes, & verè pœnitentes sinebriabuntur ab ubertate domûs tua, & torrente voluptatis tua potabis eos; quoniam apud te est fons vita, & in lumine tuo videbimus lumen. Ps.

35. Hac recordatus sum, & effudi in me animam meam, Ps. 4. ita ut nulla amplius terrena aut carnalis delectatio eam dementare possit.



PRAXIS

PRAXIS SECUNDA.

VArietas sèpè magis in devotionis exercitiis attentum reddit. Hinc, sicut S.P.N. va-rios meditandi modos instituit hunc in finem, v.g. ut quis per quinque sensus meditationem instituat, ità & examen conscientiæ institui po-test. Itaque

Per visum intuere oculis mentis tuæ beneficia tibi collata, & gratias age, pere simul, ut ingratitudinem tuam tibi clarè DEUS ponat ante oculos.

Per auditum audi, quid conscientia tua tibi occlamet & exprobret ratione defectuum aut peccatorum die hoc commissorum.

Per gustum, ruminando motiva At- & Con-tritionis, gusta & proba, quām amarum sit, dereliquisse Dominum DEUM tuum, & quale fel draconum, & venenum aspidum insunabile Deut. 32. tibi debeatur pro peccatis tuis; & postquam quoque odoratus es, quām fœteant peccata tua coram DEO & Angelis ejus.

Per odoratum quoque suostitue thymiam odoris boni, cor scilicethominis verè pœnitentis, qui perpetrata plangit, & millies mori pre-eligit, quām plangenda deinceps perpetrare.

Per tactum offer DEO satisfactionem pro pec-catis tuis, percutiendo pectus cum Publicano, & opus pœnosum aliquod, antequam ad lectum te componas, offerendo. Dum hoc postmo-dum facis; dic cum Davide: *In flagella paratus sum,*

sum, & dolor meus in conspectu meo semper; quoniam iniquitatem meam annuntiabo, & cogitabo pro peccato meo. Psal. 35. Exigua, imò nulla, opus hoc pœnosum, est satisfactio pro peccatis meis; sed *cor contritum & humiliatum, DEUS, non despicies.* Hunc in finem id in unione meritorum Christi, & Sanctorum omnium Divinitutæ Justitiae dedico, simul contestans, quòd ad carnem meam crucifigendam & domandam, indigeam tuâ gratiâ, & ad eam magis mihi conciliandam nunquam (in signum perpetuum diffidentiæ meî ipsius) velim ea, quæ in Noviciatu addidici, pœnitentiæ opera intermittere.

§. XII.

VESPERTINA DEVOTIO.

DUm post visitatum chorum paulatim te ad quietem disponis, fors ex pondere & æstu diei portato lassus cogitare potes, verum esse illud cuiusdam Ascetæ, quòd scilicet quatuor ætates hominis quilibet dies repræsentet. Dum manè surgis, & cum somno adhuc conflictaris, infantiam ac pueritiam quasi refers; exposit vegetior nonnihil factus, adolescentiam & juventutem; circa meridiem, virilem ætatem; circa vesperum, senilem. Dum somnus paulatim obrepit, & ligabit sensus, usumque rationis suspendet, mortem tibi ob oculos pone, & in lecto tumbam mortualem contemplare; sic indies nascimur, & morimur.

Dum